

CAPUT QUARTUM.

De Sacramentorum existentia.

§. I. **I**nstituti nostri ratio postulat, in exponendis circa Sacramentorum existentiam quæstiunculis, in quibus enucleandis Scholasticorum Theologorum varix sunt, discrepantesque sententiæ, operam simul & tempus infumere. Ne igitur multis verbis pauca comprehendamus, sed paucis multa: asserimus primo, in statu naturæ innocentis nulla fuisse Sacramenta; num autem fuissent, si status ille perdu-rasset, omnino incertum. Assertionis nostræ prior pars pro-batione non indiget; quod enim nec in Scripturis legitur, nec ex Traditione habetur, nec apud Patres invenitur, ad-mitti a Theologo nullatenus debet; cum igitur ne verbum quidem sive in Scripturis, sive in Traditione, sive apud Patres de illa Sacramentorum existentia in statu innocentis naturæ inveniatur, jure nulla fuisse contendimus. Altera as-ertionis pars non minori pollet claritate & evidentia; possibilia enim in statu innocentix fuisse Sacramenta quis neget? revera instituenda fuisse, si status ille permanentiam ac firmitatem habuisset, quis dixerit? eleganter *Cicero*.
 „ Quid tam temerarium, tamque indignum sapientis gravi-
 „ tate atque constantia, quam quod non satis explore-
 „ perceptum sit & cognitum, id sine ulla dubitatione de-
 „ fendere?

§. II. Quandoquidem vero non est voluntatis Divinæ mors impiii, neque impiorum perditione delectatur bonus, misericors, & longanimis Deus, qui, ut loquitur Scriptura, vult, omnes homines salvos fieri: jure meritoque asserimus secundo, in lege naturæ fuisse Sacramentum aliquod ad ori-ginale peccatum delendum, a Deo institutum: quod *Doctor Augustinus lib. V. contra Julianum* his verbis testatur „ Nec
 „ ideo tamen credendum est, ante datam circumcissionem
 „ famulos Dei, quandoquidem in eis inerat MEDIATO-
 „ RIS fides in carne venturi, nullo Sacramento ejus opitu-
 „ latos